

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo komunalne privrede,  
infrastrukture, prostornog uređenja,  
građenja i zaštite okoliša



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство комуналне привреде,  
инфраструктуре, просторног уређења,  
грађења и заштите околиша

428  
PS 116

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Communal Economy, Infrastructure,  
Physical Planning Construction and  
Environmental Protection

Broj: 05/01-04-151-40/21  
Sarajevo, 01.02.2021. godine

**SKUPŠTINA KANTONA SARAJEVO**  
n/r Elvedin Okerić, predsjedavajući

**PREDMET:** Dostava odgovora na zastupničko pitanje - zastupnica Neira Dizdarević

Zastupnica u Skupštini Kantona Sarajevo Neira Dizdarević, na 32. Radnoj sjednici Skupštine Kantona Sarajevo, održanoj 05.01.2021. godine, u okviru tačke Dnevnog reda "Poslanička/zastupnička pitanja, inicijative i odgovori" u skladu sa Poslovníkom Skupštine Kantona Sarajevo, uputila je Ministarstvu komunalne privrede, infrastrukture, prostornog uređenja, građenja i zaštite okoliša, zastupničko pitanje u pisanoj formi, kako slijedi:

*"Ljubazno molim da me izvijestite o dosadašnjoj implementaciji projekta Subvencioniranje zamjene peći na ugalj i ostala čvrsta goriva u domaćinstvima u Kantonu Sarajevo sa certificiranim pećima i toplotnim pumpama."*

**ODGOVOR:**

Ovo Ministarstvo i Razvojni program Ujedinjenih nacija (UNDP) u Bosni i Hercegovini su potpisali Sporazum o saradnji na implementaciji Pilot projekta subvencioniranja zamjene peći/kotlova na ugalj i ostala čvrsta goriva sa certificiranim pećima/kotlovima i toplotnim pumpama u domaćinstvima u Kantonu Sarajevo.

Sredstva za implementaciju navedenog Projekta su osigurana u Budžetu Kantona Sarajevo za 2020. godinu u iznosu od 550.000 KM.

Osnovni ciljevi projekta su smanjenje zagađenosti zraka u Kantonu Sarajevo, posebno u dijelovima Kantona Sarajevo gdje je kvaliteta zraka III kategorije, kao i stvaranje preduslova za uspostavljanje održivog modela za podršku zamjene necertificiranih kotlova i peći u budućnosti.

U cilju uspješne realizacije pilot projekta, UNDP je formirao radnu grupu koja je sastavljena od stručnjaka iz oblasti emisija u zrak, kvaliteta zraka i sistema za proizvodnju toplinske energije u domaćinstvima, koja je u koordinaciji sa predstavnicima Ministarstva i UNDP-ija, u decembru



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1



2020. godine izradila Model za implementaciju pilot projekta u kojem su razrađeni svi detalji i koraci u implementaciji istog, te identifikovani mogući rizici.

Očekivani rezultati projekta su: poboljšanje kvaliteta zraka, smanjenje potrošnje uglja i ogrjevnog drveta za grijanje domaćinstava, povećanje efikasnosti proizvodnje toplinske energije za grijanje, smanjenje troškova za grijanje domaćinstava, promocija dobre prakse za grijanje domaćinstava, razvoj tržišta certificiranog peleta i razvoj tržišta certificiranih kotlova i sl.

Na web stranici UNDP-a je 04.01.2021. godine objavljen Javni poziv vlasnicima individualnih stambenih objekata sa područja Kantona Sarajevo za subvencioniranje zamjene peći/kotlova na uglj i ostala čvrsta goriva certificiranim pećima/kotlovima i toplotnim pumpama, koji ostaje otvoren do 15.02.2021. godine.

Isto tako, UNDP je 15.01.2021. godine objavio Javni poziv proizvođačima i/ili distributerima certificiranih peći/kotlova na pelet i certificiranih toplotnih pumpi, za potrebe provođenja Pilot projekta subvencioniranja zamjene peći/kotlova na uglj i ostala čvrsta goriva u domaćinstvima u Kantonu Sarajevo, koji ostaje otvoren do 02.02.2021. godine.

Navedeni javni pozivi se mogu preuzeti i na linkovima objavljenim na web stranici ovog Ministarstva.

Implementacija Pilot projekta će se realizovati kroz korake, koji su detaljno opisani u informaciji i ista je postavljena na web stranici ovog Ministarstva, gdje se takođe mogu naći i najčešća pitanja i odgovori na ista.

Prema informacijama Radne grupe, do sada je pristiglo preko 800 prijava na javni poziv, što ilustruje veliko interesovanje građana za realizaciju ovog projekta.

S poštovanjem,



Enver Hauzianmetovic, dipl. ing. maš.

Dostaviti:

- ☉ Naslov
- Služba za skupštinske poslove
- Sekretar Vlade Kantona Sarajevo
- Evidencija (2X)
- a/a



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1

